

مواظبتے

أشعار عامية وأغانى مصرية

محمود مجاز

١٩٩٨

بِسْمِ اللَّهِ الرَّحْمَنِ الرَّحِيمِ

الفهرس

الصفحة	القصيدة	مسلسل
٧	الإهداء	١
٩	عصفور	٢
١١	قدرنا	٣
١٥	رباعيات الحب والجمال	٤
٢١	صدقيني	٥
٢٣	سألت عنك	٦
٢٥	شفت اللوي	٧
٢٧	أولاً وثانياً وثالثاً	٨
٢٩	يا قمرى	٩
٣١	م البدالية	١٠
٣٣	ياللي قسيتو القلوب	١١
٣٥	سدود	١٢
٣٩	بأحبك موت	١٣
٤١	ما تعرفيش	١٤
٤٣	اللحظة	١٥

الصفحة	التصيدة	مسلسل
٤٥	كلام في هواكى	١٦
٤٩	شم التسيم	١٧
٥١	احلى الكلام	١٨
٥٣	مناجاه	١٩
٥٥	حي علي الإيمان	٢٠
٥٧	يا أهل السعودية	٢١
٥٩	ويك اند	٢٢
٦١	عصفورى	٢٣
٦٣	حواديت	٢٤
٧٥	بدلة التشريفه	٢٥
٧٩	سيمفونية الفول	٢٦
٨٣	البغيفان	٢٧
٩١	حكومة شعب	٢٨
٩٥	صورة في السحاب	٢٩
٩٧	فكرينك	٣٠
١٠١	مفيش فايدة	٣١
١٠٢	اصليا	٣٢

الإهداء

إلى زوجتي وأولادي بحبه الله
ومحمد وأحمد ومحمود حجاج

عصفور

١٩٩٨

عصفور كان طائر فرحان بيلقط رزقه من الأرض
وبينقر فيها بخنان وكأنه بيصلى الفــــرض
ويطير فى سماء الحريه مبسوط و سعيد
شبعان دفيان بينط كأنه فى عيد
شاف يوم عصفوره جميله فغنى لها
كان فاكر إن اللي ف باله نفسه فى بالها
والعصفورة كان ليها وليف بتحبه بشوق
والعصفور كان دايب دويان ملهوف محروق
شاف يوم صياد فاتحنجل قدامه و طار
كان قصده يده على التاتى الغيار
طار بعد العش وراح واقف على فرع بعيد
مستى التاتى يتنش عشان يبقى سعيد
كان فاكر إنه حيفرح ويغنى بحب العصفورة
سرح العصفور حيموت وأنا وحدى أبقي فى الصورة

حتجنى العصفورة قوام وهاعيش وياها متهنسى
يا فرحه قلبى وأنا طائر وياها وديلها متحنسى
يا محنى ديل العصفوره راح نقبك طالع على شونة
الصيد شافك متعجب سرحان أفكارك مجنونة
راح ضارب صابك ومتابك منها يا ولهان
غيرموتك والعبرة لى يكون عايش طمعان

زى ما يكون البعاد
كان قدرنا المستحيل
افترقنا وكان ميعاد
للقا قبل الرحيل
نفسى أعرف حبنا اللى
كان كبير ازاي يموت ؟
والكلام الحلو بينا
ليه بقى بينا سكوت ؟
لما بسأل قلبى عنك ؟
بيجاوبنى بالآهات
فيها حرقه وفيها حيرة
ع اللى راح والذكريات
فى اللقا قبل الرحيل
ليه الكلام بس ف عينيك ؟
كان زمان مش مستحيل

إن حبي يبان عليك !

واتقابلنا شفت

فى عينك الندم

والدموع اللى

بتحكى عن ألم

أنا حاسه ببك

ياحبيبى وحبنا

والشوق اليك

رجعنى ليك

خلى قلبى حس

حبك من عينيك

من غير كلام

وف حنان اللمسه

من راحة ايديك


ضاع الخصام

والبعد اللى افترنا

كان قدرنا المستحيل

طار فى الهوا

واللقا قبل الرحيل
كان أمل حبي الجميل
اللى جمعنا سوا



رباعيات الحب والجمال

١٩٩٥

بس إنتى جمالك مش عادى
بيسيطر على كل فـؤادى
وبيزرع صورتك فى عيونسى
فى عيونك أنا شفت بلادى

بس إنتى جمالك شئ تانى
غـَـير لى حياتى ونسائى
إزاي أنا عشت وحيد وحزين
أنا شفتك ضاعت أحزائى

كام مرة أنا شفت جمال فتان
يسحر إحساس الناس والجنان
لكن إنتى جمالك ده خيالى
ما لقيتش مثيله فى أى مكان

خليني أحبك ولا تنسيش
إني بحبك بس باعيش
ولا مرة تشكي في اخلاصي
إزاي أهواكي وما ترديش

دا أنا حبي أمانى وأمانك
من توب منسوج بس عشائك
منسوج من فل وشوق وحنين
ياحبيبتى ومشتاق لحنائك

أصل إنتى الكون إنت وجودى
وهواكى كياتى وحدودى
مهما أبعد حارجعلك تاتى
وأنا واثق إنك حتعودى

فى تراب رجليكى باعيش مسحور
وف قلبي هواكى الخير والنور
من قبلك كل حياتى جفاف
جيتى إنتى رويتى الأرض البور

وعرفت وأنا بحبك هيمان
إن إحنا اتوحدنا زمان
قلبين إحساسهم حب كبير
وحكاية حكوها في كان ياما كان

ده خيالك عشش في خيالي
وف حلمي بأشوفك وف بالي
وأتمنى أكون لك وتكوني
أجمل ما اتحقق في أمالي

أصل إنتي غرامك مش معقول
في كياتي معشش عرض وطول
وخطوط موصولة على حواسي
مش حاقدر أوصف لك وأقول

مش عارف أوصف إيه فيكي
في خدودك ولا في عنكي
في شفائك روي بتستني
تتمنى لو أقدر أرضيكي

مثنى حاقدر أوصف احساسى
عشان إنتى بقيتى فى حواسى
بتلامس صورتك أحلامى
بتردد إسمك أنفاسى


أنا عمرى ما شفتش فى جمالك
ولا شفت فى سحرك ودلالك
ده جمال ربانى من الجنة
وبسحره بيبهر أمثالك

حبك نسانى أى زمان
أنا عشته ذليل ويا الحرمان
رجع لى كرامتى وخلاتى
ما بأخفش الظلم وأيا كان

يا حبيبتي وعمرى ما بأختار
إن كنت فى حبك فى النار
ده تراب الجنة فى رجليكى
وهواكى مارء جبار

لما إنتى تكونى فى قلبى أكون
إنسان بيحب جميع الكون
بأتغير خالص وياكى
وفداكى حياتى وروحى تهون

لو مرة غضبتى على أموت
وثوانى عذابى ما هيش حتفوت
ولا حاقدر أعيش كده أيامى
من غير ما تسامحى وأحبك موت



صدقینى

۱۹۹۴

صدقینى بس مره
لو قدرتى تصدقینى
إن حبك جوه قلبى
زى حزن بیحتوینى
لو حلفت وقلت إنك
عمرى كله ونور عیونى
مش كفايه بس مره
لو قدرتى تصدقینى
إن عمرى قبل حبك
كان فراغ وکان عدم
لما هلیت فى قلبى
راح بعید عنه الندم

لو حلفت وقلت إنك
فرحة بتعوض سنينى
مش كفايه بس مره
لو قدرتى تصدقنى
إن أحلامى اللى كانت
مستحيل أنا شفتها
بين شفايفك وف عينيكي
وبين ايديكى لمحتها
لو حلفت وقلت إنك
حلم عايش بين جنونى
مش كفايه بس مره
لو قدرتى تصدقنى
كنت عايش فى زمان
أنا غير زمانى
لما شفتك حطنى الحب
فى زمانى وف مكانى
مستحيل أحلف وأقول لك
إن حبك صار جنونى
يا للى مرة نفسى مرة
لو قدرتى تصدقنى

سألت عنك دموع عيني
سألت شوقي بارين عليا
قالوا لي غابت وهيه شمس
وهيه يومى وهيه أمس
حرام عليكى ليه البعاد
ليه الفراق بعد الوداد ؟
ليه الأسى وتغيبى عنى ؟
ياواخده قلبى وغصب عنى

إزاي أعيش من غير هواكى
ياواخده قلبى عمرى معاكى
سألت عنك دموع عيني
سألت أوقاتى اللي جايه
قالوا لي غابت وهيه صبحى
وهيه ليلى وكل فرحى

مش حاقدر أنسى نظرة عينيها
ولا أى لمسه منى لإيديها
ياواخذه قلبى من غير ما تدرى
سببى لقلبى عذابه بـدرى
سألت عنك قلبى وعينيا
سألت شوقى بأين عليا
قالوا لى غابت وهيه شمسى
وهيه يومى وهيه أمسى
.....

شفت اللولى

١٩٩٥

أنا شفت اللولى بيتبســــــــم
من شوقى بكيت وف قلبى حريق
لولا قلبى ف حبك داب سلم
وصبحت فى بحر دموى غريق
كنت أبعد من غير ما أسلم
يا أسره القلب بحب رقيق
ياقمر يا جميل على غصن يميل
ياللى الربيع على خدك ورد
أنا شفت كتير فى نهار وف ليل
والحسن فى خدك مش على حد

أنا شفت اللولى بيتبســــــــم
من شوقى بكيت وف قلبى حريق

حبك خلانى حزين وأعيش
أتمنى تجينى فى يوم ماتجيش
لولا قلبى فى حبك داب حيران
علمنى الحب مع الحرمان
مشاتى وحيد سهرنى ف ليل
وأنا عمرى ما دقت عذاب الميل
ياقمر يا جميل على غصن يميل
ياللى الربيع على خدك ورد
أنا شفت كتير فى نهار وف ليل
والحسن فى خدك مثل على حد

أنا شفت اللولى بيتبســــــــم
من شوقى بكيت وف قلبى حريق

أولا وثانيا وثالثا

١٩٩٢

لما يبقى القلب صافى
والكلام بينا خرافى
سحر جوك هو بيتنا
أوعى من قلبي تخافى

أولا راح أقول بأحبك
تسمعها في قلب قلبك
طالع صافيه من شفايفي
اللي هايه بين شفايفك

ثانيا راح أقول حياتي
إنتي أجمل ذكرياتي
وإنتي أيامي اللي جايه
تصعدى بحبك ساعاتي

ثالثا حارمی ف ایدیکی
عبری کله وف عنیکی
حایینی عش لعبری کله
مثن حاعیشه إلا لیککی

ياقمري

١٩٩٦

خديني دليل لأحلامك وعش يدفي أيامك
وقلب برّاح
بأحبك وردة ياطعمة ونرجس سوسنة نسمة
دلال وسماح
وحبك منتهى القوة يقوى القلب من جـوه
ياقمري ولاح
يا ظلمك وإنّتي شايقاتي شايك جـوه وجدانـي
هنا وأفراح
دا أنا اللي عشت طول عمري أحبك وإنّتي لا تدري
حرام أرتاح ؟
دا أنا الباقي من الأثواق وأنا المرسى لكل فراق
أداوى جراح
بأحبك ليه ما نيش عارف ؟ عشان في الخد أنا شايـف
خدود تفاح

بأحبك ليه ما نيش عارف ؟ وقلبك م الهوى خايف
وأنا سواح
مشيت العمر أتمنى ألاقى فى الهوى جنـة
عبير فـواح
لقيتك صرت أشجاني وحبك زاد فى أحزاني
بقيت نواح

م البداية

١٩٩٨

ياللى كان حبك عذاب
وف هواك القلب داب
مستحيل يرجع زمان
دا احنا ما شفتناش هنا
انت السبب ولا أنا
مش حيرجع م البداية عمرنا

ليه بقى نعيش اللي باقى ؟
تنعى ليه زى السواقى
ع اللي راح أيام وكان
مستحيل يرجع
ما بينا الحب تانى
والكلام الحلو
يرجع والأغاني

مستحيل في الوهم

نلقى حيناً

مش حيرج

م البداية عمرنا

حلو عمرى

أنا ضاع معاك

كان خادعنى

زمان هواك

فين وعودك

اللى كانت بالهنا

مش حيرج

م البداية عمرنا

ياللى قسيتو القلوب

١٩٩٨

ياللى قسيتو القلوب
ليه تشمتوا فينا ؟
دا الوعد شئ مكتوب
هنشرفه بعيننا
من الزمن ساسى
والفرح كان بيننا
وف حضننا الدافى
كان الهوى وكنا
كان الهوى مواعيد
والحب ساعينا
عاشين حياتنا ف عيد
وذ ف مراسيننا
ليه حلمنا ضايع ؟
وحياتنا فى الأوهام

شارى أنا البائع
وياريتہ باعنى بكام
ياللى قسيتو القلوب
ليه تشمتوا فينا ؟

كان الهوى الموصول
من غير بعاد وخصام
حب ورضا على طول
والسعد فى الأيام
حسن انهننا دافى
يفرش يجمعنا
وف قلبنا الصافى
الحب له معنى
ليه حلمنا ضايع ؟
وحياتنا فى الأوهام
شارى أنا البائع
وياريتہ باعنى بكام
ياللى قسيتو القلوب
ليه تشمتوا فينا ؟

هوه الزمان ممكن يـعود
عشان تحقق لى الوعود
وترجع الماضى اللى كان

دا كان هواك ما لو ش حدود
بس أنت ليه خنت العهد ؟
وازاى تنسينى الهوان ؟

مش حاتقدر أغفر لك وأعود
عشان أنا حبى خـلـود
وأنت الغرام عندك رهـان

بنيت ما بينا ليه سـدود ؟
فاكر الزمان ممكن يـجـود
بالحب كام مرة كـمـان

هذه الزمان ممكن يعود
عشان تحقق لى الوعود
وترجع الماضى اللى كان

بأحبك موت

١٩٩٨

ليه أستنى ؟ وأنا بأتمنى
انى ف قربك أكون فى الجنة
ياللى الليل بهواك إتحنى
أيام شوقى ما هيش حتفوت
مش بيقولوا بأحبك موت !

ليه استنى ؟ ياكل نعيمى
والله هو الذى بيحمنى
بيفرحنى بيرحنى وبيخلينى
أبنى لى عش فى شجرة توت
مش بيقولوا بأحبك موت !

ليه بتسألني بأحبك ليه ؟
جاوب انت ياقلبي عليه
نور قلبي النور في عينيه
روح يالساكي كفاهه سكوت
مش بيقولوا بأحبك موت !

ما تعرفيش

١٩٩٤

ما تعرفيش ..

ما تعرفيش ا

إني حبيتك

أول ما شفتك

وماشفتنيش

حاولت أقول لك

ع اللي في قلبي

عن كل حبي

والمستحي

وخفت منك

لا ما ترحميش

من نظرة واحدة


أنا قلبي حبك

وعينيا باست
النور في خدك
خائف أقول لك
ما تصدقش
وبيان على
ولا ترحميش

أول ما شفتك
حسيت قلبى
عصفور صغير
عازي يغير
عشان يقول لك
حاجات تحير
ليه عامله
إذء ما تعرفيش ؟
باين على
ولا ترحميش ! ؟

- ٤٠ -

بكرة الندم
حيعيش فى قلبك
لأن قلبى
بس اللى حبك
بين القلوب
ولا حسيتش
ياللى فى هواكى
ما رحمتيش
سيبك ياقلبي
منها وعيش



اللحظة

١٩٩٦

فى لحظة بتبعدنى
وف لحظة ترقبىنى
احترت فىكى والله
ياحبى ونور عيونى

قررت مرة أبعد
عشان تكونى أسعد
دموعك رجعتنى
عشان بتوحشنى

مش قادر إنى أبعد
ولا قادر يوم أحدد
إن كنتى عايزه حبى
وتعيشى جوه قلبى

ولاً إنتى عايزه بعدى
وفى نفس الوقت قربى
حرام حتجنننى

كام مرة قلبى صارحك
وقال لك إنتى وحدك
أحلامى والهنا
بتنسى ليه وتقسى ؟
وتروحي بعيد وترسى
وتغيبى كام سنه
وليه بتحيرينى ؟

کلام فی هواکی

۱۹۹۷

دی شفایفک ولا عذابى
أنا شایفک و إنتى سراپى
کل ما أقرب ما ألقاش
إلا عذابک وعذابى

أنا روحى کلام فی هواکی
ما اتقالش بیستناکى
لو قلته اکید حتجینى
وحتجى حیاتى معاکى
دی شفایفک ولا عذابى
أنا شایفک و إنتى سراپى


كل ما أغمض ألقيني
شايك أنا جوه عيوني
بس إنتي ولا شايغاني
وأنا باتعذب بشجوني
دي شفايفك ولا عذابي
أنا شايك وإنتي سراي

قلبي الخايف بيجبك
يتمنى حياته بقربك
ولا يوم يقدر ينساكي
وازاي يقدر على بعدك
دي شفايفك ولا عذابي
أنا شايك وإنتي سراي

دي شفايفك دي م الجنة
النور بجمالها اتحنى
مش قادر أبعد عنها
ولا قادر بيها أتهنى
دي شفايفك ولا عذابي
أنا شايك وإنتي سراي

- ٤٦ -

مش ممكن ديه شفايف
تتباس ازاي أنا خايف
لو مرة أنا جيت أقطفها
أبقى المأسور في شفايف
دي شفايفك ولا عذابي
أنا شايك وإنتي سرايبي




شم النسيم

١٩٩٥

واقف أشم النسيم	قلبى خلى صافى
بين الورود فى النعيم	منظر جميل شافى
طالع بعودك سليم	أجمل من أوصافى
خلق الإله العظيم	فى كل شئ وافى

ياورد يالى جمالك	ساهى بتسمعنا
م الأرض طالع فى حاله	ولكل لون معنى
ياأصفر تغير من جيرانك	يا أحمر تلوعنا
ياورد وردى زمانك	هوه اللى ينفعنا

بين الورود والنخيل	ما فيش كده نسمة
والقلب لو كان يميل	ويحب له نجمة
كان طار وغنى يا ليل	ويا الصحاب لمة
كل الهموم راح تزول	وتعود لنا الهمة



احلى الكلام

١٩٩٥

هايم فى بحر الغـرام
مثن دارى بحـدودى
وأجمل ما أقول من كلام
فى حب معبـودى
وياه مع الأريـام
احساسى ووجـودى
بأنام ولا بينـام
فاكرنى فى شـرودى

ما أعرفش غير أناجيه
وأسير على دربه
وحياتى بين آياديه
وأسير أنا فى حبه
ورضاه أمل أرجوه
يبعدنى عن كربـه

كل الزمان وما فيه
خلقه وبقي حسبه

احلى الكلام مناجاه
فيها الحبيب معشوق
من قلبى جايه الآه
عاشق أنا مخلوق
هايم كده ف دنياه
أتمنى أعيش مرزوق
مسك الكلام الله
فى الفعل والمنطوق

مناجاة

١٩٩٨

يارب سبحانك
افتح لنا بابك
واسمنا وانت معين
يارب عبّادك
واقفين بأعتابك
صاغرين ولك طائعين
ينادوا يارحمن
حبيب لنا الإيمان
واجعلنا موصولين
يارب سبحانك
وصلنا أعتابك
رجعنا مجبورين
يارب يا قهار
يا عالم الأسرار

اهدى لنا السامعين
والمس لنا برضاك
رقة قلوب تخشاك
وارحمنا وأنت معين
يارب ياساثر
ياهادى يا ناصر
اخترنا منصورين
واقبلنا يارحمن
باللطف والإحسان
فى زمرة الخالدين

حى على الإيمان

١٩٩٨

يارب يا رحمن
نور لنا قلوبنا
واغفر لنا ذنوبنا
وادخلنا بالرحمات
فى جنة التائبين
كتابنا فى يميننا
وايدنا قابضة الدين
وقلوبنا مشروحة
وعيوننا مفتوحة
ودموعنا مسفوحة
شاكرين ولك حامدين
يانعمة فى قلوبنا
يا غاية فى دروبنا
إقبلنا فى الراجين

يارب سبحانك
قربنا من بابك
وأرحمنا في الطريقين

يا أهل السعودية

١٩٩٢

كتبت أثناء وجود الشاعر للعمل بالسعودية

صبحكم الله بالخير يا أهل السعودية

مساكم الله بالنور والأرض مروية

.....

يا أهلى وخلاتى يا الناس الطيبين

ملكتموا وجدائى بالحب منصورين

أجمل بلاد الأرض هيه بلاد السعد

تحكم بدين الله هيه لدينه مهد

أرض الهدى والنور طالعه طريق المجد

باتى الأمان قصور فى كل درب وحد

.....

يجعل نهارك خير ياساعى صبحية

وبتصحى قبل الطير وتصلى فجرية

صبحكم الله بالخير يا أهل السعودية

مساكم الله بالنور والأرض مروية

.....

يامسير الإخوان احفظ لنا بلادنا
سد خطي الإنسان من أجل أطفادنا
في كل وقت وآن يفتكروا أمجادنا
ويعيشوا منصورين ومين يعاديهم
نبني أساسهم دين م الشر يحميهم
ندعى نقول يامعين حقق أمانيتهم

يجعل نهارك خير ياساعى صبحية
وبتصحى قبل الطير وتصلى فجرية
صبحكم الله بالخير يا أهل السعودية
مساكم الله بالنور والأرض مروية

يللا بنا نقضى
ويك اند
على شاطئ وردى
يوم سعد
نلعب نتسللى
ونهرق
مع كل الشاة
وخرق
يوم جلو بجد
ويك اند

يللا بنا يسمعه
ويك اند
نطلع يوم جمعة

يوم سعد

نفرح ونفسي

ونتسابق

ونقول يامحني

ونتعايق

يوم حلو بجد

ويك إند

يللا بنا ياشلّة

ويك إند

نعمل لنا حفلة

ونتمنّي

نفرح بنجاحنا

ونتهنّي

تكثر أفراننا

وتستني

يوم حلو بجد

ويك إند

عصفورى

١٩٩٧

عصفورى من كفى طار
عصفورى فوق الأشجار
تعالى لى يا عصفورى تعالى
أفرش لك عشك أزهار

عصفورى فوق المنارة
يا طيرى تعالى أنا غيرة
ليه تبعد عني يا عصفورى ؟
وتسيبنى بحبك محتارة

يا طيرى أمانه يا طيرى
أمنتك ما تحبش غيرى
وتأخذنى على جناحك أغنى
غنة من قلبى وتفكيرى

الصبح يا عصفورى تترقزق
أفرح وأغنى وأهتهق
والورد يفتح فى خدودى
من نور الشمس أما تشفق

عصفورى أنا أجمل عصفورة
الناس بجمالك مبهورة
ألوانك ربنا لونها سبحان
من صور دى الصورة

ما تعلقونيش من عرقوبى
دا أنا محبوبى
رايح يجيب لى مركوبى
من سابع جدّ أعيش جوال
عايز أقول كلمة يا إخوان
أنا أصلى جبان
ما طلعت عمرى من البيضة
ولا نيش تعبان
لكنى خايف م الخضة
لو حد قال بخ أتوضى
وأنا برضه حر صحيح إنسان
مش زى كل الآكتية
بيطلبوا روحه وجايه
ويزعقوا زى المجانين

راح نحرق الناس الملاعين

وانتم شاهدين

من غير إحساس

- ياللا يا إحساس انت وهيه

إبعد بعيد لبدون ديه

أودرك تاخذ إعدام

- ليه انت يابنى بدون همه

ليه الكلام يخرج تصاريح ؟

فى مهب الريح

ما أنا زيكم عندي كرامة

يعنى أنضرب بكلام تهويش

ولا أقولش حارق وحموت

وأرجع وقصدي كلام بتانى

- طيب .. تفتيش

- ما لفتيش حاجة ف نواياهم

- ما يهمنيش غير النية

اخلاصكو بس يكون ليا

ما يهمنيش لو حرامية

جم بدرى راحم واخدينه

طلعوا دينه

ورموه فى جب ما لو هتش قرار
وقالوا لنا أصلاً هو ه حمار
ما فهمش حاجه فى حياته
وكلامه كان زى سكاتة
وحياته كانت فى الأحلام
أصحابه كانوا فى يوم نصحوه
بلاش كلامه يكون تفنيد
وكلام بوذر مش بيفيد
حيطلعوه علشان يوم عيد
وبلاش يخش على سياسة
ويحكى عن قادة وساسة
جه تانى يقعد ع القهوة
وغاب كده سهوه
وراح مطلع كام تصريح
ورجع يقول إنه اتوضى
وصلى وقضى
وخاف م الخضة
وعاد فى كلامه :
- أنا بس كنت بأقول تصاريح
ولا كانش قصدى كلام تجريح
- ٦٥ -

وإذا إنجرحتم أداويكم
وحديد وزرنيخ أديكم
لمه أهرىكم
وأقول يارب يخليكم
ويخلي في الدنيا عيالكم
ما هو كله برضه من مالكم
هوه احنا لينا ولا ملين
دى بلدكو وأحنا يادوب ...
قالوا له روح عند النسوان
هيه النسوان جاهلة ياجدعان
بالعكس دى النسوان صاحيه
إن كان سعاد ولا الماحيه
شوف حتى ناعسه العيانه
بنت بهاته
ولدت لها عشرين عيل
وتقول لجوزها يا منيل
فاهمه الحكاية وإن الناس
عاشين حياتهم سلبية
ندهوا علي
وإدوني درس إزاي أنا أعيش

من غير ما أكركر فى التحشيش
عشان أروح دوغرى الجنة
وقالوا لى أحسن تتحنى
وتعيش فى صحبة مع الدراويش
عشان تروح دوغرى الجنة
وتخش ناعسه العيانه
صرختها عاليه نقول يانا
الصبح جوزى ياعينى لقوه
على سور جنينة فيلت أبوه
ماشى يخطر آه يانا
دا جوزى كان عاقل ورزين
كان نفسه فى المنجة والتين
كان ورثه فيلا وجنينه
والورث من بابا ونينه
أخدوها منه فى التأميم
صبح ياعينى كأنه يتيم
من يومها قاعد بيعافر
آخرتها قالوا عليه كافر
ما يستحقش ولا ملهم
ياناس غيتونا

لا مبلّاه

بیسرقونا

لا مبلّاه

منکم لله

لا مبلّاه

منکم لله

لا مبلّاه

منکم لله

لا مبلّاه

خدت بنصیحة أهل زمان

ولبست درویش الجوعان

ومشیت ألقط بین الناس

حکایات تضحک أنكد ناس

أحکیلکوا حبه یاریت قولوا آه

أول حکایه عن البکالاه

الواد عزیز ومراته نجاه

إتوحت تاكل بکالاه

قام دب ایده ف جیبه لقاء

مخروم وفاضی یاولداه

قام قال لها لازم بکالاه


قالت له لو قصرت معاه
حتيجى للعليل فى قفاه
وأهو انت حر معاك اسبوع
حتجيبه لو حتموت م الجوع
فهمت .. ولا أقول لك آه
خرج عزيز زى المجنون
ولا يعرف البكالاه إيه يكون ؟
ما سمعش عنه من اللى معاه
ولا عمره شافه فى تليفزيون
لقى اللى قال له دا لحم كلاب
وحد نصحه بكيلو كباب
وقال له هيه نجاه عارفاه
وفيه خبير قال له دى نيفه
والتاتى قال له دى توليفه
هاتها لها من عند العطار
فضل على حاله محتار
يومين وراح سأل الجزار
قال له الطلب عند السماك
حيكلك كل اللى معاك
دا الصنف دا غالى ياعزيز

حنسيب عزيز عند السماك
ونروح نشوف قصة لذيفة
عاملها عالمه إسمها ليزا
مع واد بقصه كانت حياه
واد ابن عز وحظ وجاه
وهيه كات بتحبه بجد
وهوه كات العيله منعاه
وليزا كات بين النسوان
حلوه ولذيفة بشكل جنان
الجسم كان من كهرمان
أما الرجول من عاج فنان
أما العيون إوصف يا زمان
والشفتين جنة رضوان
والخد تفاح من لبنان
وجوز ايدين معجونة حنان
أقول كتير لو قتلوا كمان
حنخس في العمق ياجدعان
الشعر زى ليالى زمان
والخصر دا خاتم سليمان
كان عنده حق أبو قصه وجاه

يتوه وينسى أخوه وأباه
راح أبوه فى مرة عشان تنساه
وأهاتها جت راحت شتاه
رد الشتيمه راحت طخاه
جه أخوه قتلها وهيه معاه
والشرطة دوغرى راحت مسكاه
وهوه طار عقله ياولداه
وخدوه على الخانكة يامسكين
وأحكيلكوا حدوتة الحلوين
لو تقعدوا دايمًا ساكتين
حلوين قوى أهل بلدنا
عاملين مع الأيام هدنه
وودنهم واحده من طين ..
دايمًا زعيمهم ... الحالى
لو مات يقولوا خذْ مالى
ويطلعوا التانى علين
ويطلعوا القطط الفاطسه
ويقولوا جاب لنا النكسه
بس إحنا كنا مطنشين
والتانى قالوا عليه خاين

فَتَلَوْهُ وَهُوَ بِيَعَايِن
جَيْشِ نَصْرِهِ
لِيَهْ ؟
مَا إِحْنَائِشْ عَارِفِينَ ؟
يَا هَلْتَرَا إِيَّاهُ حَيَقُولُوا ؟
عَنِ اللَّيْ جَايْ بَعْدَ رَحِيلُوا
بِئْسَ النَّهَارُ دَهْ وَلَا شَايِفِينَ
وَتَخْشُ نَاعَسَهُ الْعِيَانَهُ
بَنَتْ بِهَانَهُ صَرَخَتَهَا عَالِيَهُ
تَقُولُ يَا نَا
ضَاعَ الْوَلَدُ
اللَّهُ يَا مَعِينُ
كَانَ شَابٌ بِئْسَ وَمِنْ كِبْتِهِ
سَابَ الْبَلَدُ غِيْطُهُ وَنَبْتُهُ
وَهَجَ فِي بِلَادِ الْكَافِرِينَ
دَى النُّكْبَةِ يَا بِلَادَ
فِي شَبَابِكَ
أَسْوَأُ مَصِيبَةٍ تَجِيبُ دَابِكَ
سَلَّمَ يَا رَبِّ
وَحُوشُ يَا مَعِينُ

يارب سلمها وعافى
يرجع شبابها متعافى
يحمي حدودها
من الطامعين



البدلة أم زرار أحمر وزرار أخضر
ماعدتش تنفع تاتی لبس
لو يوم غلظت وودیتها
للمکوجی یقعد محتاس
ازای دی یکوی وخرومها
فی کل بقعة وحتة مقاس
قررت يوم أخلص منها
وأديها للواد التربس
قال روح یاعم حتبلینسی
دی حتی ولا تنفعنی مداس
وف مره قررت أرميها
ف الشارع الخالی من الناس
جه کلب جارر أذیاله
یجرى ورايا وهوه خلاص
قرفان ومث راضی یسیبها
لأنه کلب أصیل حساس

خايف تضر بمنظرها
كل اللي عنده صحيح أحساس
والبدلة كانت تشريفه
فصلها محسن إبن الناس
صغرت عليه قام شحتها
لحد ماشى معاه نسناس
القرد شافها ونشها
وتحت رجله وضعها وداس
عاجباه ومش راضى يسيبها
مهما إنضرب بالشوم ع الراس
لبس الجاكته وكان ديلها
بيغطى لحمى فى النسناس
سنتين وباعها القرداتى
ف الكائنو لمه القرد إنداس
ودوها للرفا نتعها
ونضفوها بجاز وبوتاس
وبلون نبيتى صبغوها
عجبت قوام سيكا النحاس
يوم ما اشتراها اخونا سيكا
عارفينه عازف كونترباس

عازف جميل انما حفظه
فيه نحس يكتم ع الأنفاس
سيكا الآلاتى كان خدها
يليسها فى فرح الوناس
ده ابن سيكا وكان خاطب
الحلوة ورده بنت الناس
أبوها كان تربي مريش
وأخوها كان اسمه الحواس
شضلى ومافيش حد يصده
يهد حيطه بضربة راس
ليلة الفرخ أم الوناس
دبت خناقه مع النحاس
جه داخل الواد الحواس
ضرب العريس وأم الوناس
جه سيكا داخل فى العركة
والبدلة بانظت ف الأحداث
وقال دى شؤم على البدلة
ورماها فى حارة الجباس
وياريتنى ما سبقت يومها
ولا خدتها قبل الكناس

يومئذ كننت حزين جدا
عشان ضربت مدام إخلاص
مراتي كات طابخه كوارع
وعامله حله معاه قلقاس
أنا مش بأحبه ومش واكل
ردت عليّ بكل حماس
روح نام شويه عشان تحلم
بلحم فته ولحمة راس
وحمام وكفته وكام فرخة
وتحلي ممزويّا وأناس
لمه انت عايز تتأمر
ياجوز مافيش عندك احساس
تدفع يا أخويا وبلا خوته
وعنطرة ويا الإفلاس
قعدت تعيط وتزعق
وصوتت لمّنت لى الناس
ما دريتش إلا بدم اسود
سيحته منها بضربة راس
وخرجت متفـاظـ ولقتهـا
وخدتها قبل الكناس

مع انى بأفهم فى الباكلاه
وأكلت بمبوزيا وكأكاه
وف اللحوم انا واد حريف
الفول فقط حيرنى معاه

مره تلاقيه بالزيت الحار
وفيه يفحم مولع نـار
تتطش يطلع طعم كباب
ويجوز ف يوم تلاقيه مـبار

الفول عجيب مليون أسرار
لو تدى حبه لأى حمار
تلاقيه بيرطع وينهـقى
يقدر يشيل كام حمل خـيار

الفول ده سحر وفيه بروتين
مسمار فى بطن المصريين
لو يوم فطرت جبن وزيتون
مزاجى يبقى معكر طين

الفول مزاج ادمان يومى
ستر وغطا زى هدومى
ماقدرش أكل يوم غير فول
ولو جابوا لى ديوك رومى

الرومى أصلا ما بأحبوش
منفوخ وماشى بریش منفوش
عامل لى قمع وبيكر
لو يوم عملها الفول ماأكلوش

مره الخواجة بتاع بره
قال لك ده فيه حاجه مضره
قلنا له دوق راح دايف فيه
أكل ومات من دى المره

القول بقى لى أعز رفيق
ف كل درب ووقت صديق
حاولت يوم أهرب منه
طلعت لى ريحته م لأبريق
.....

القول يتاكله مع جارك
دايما فى ليلك ونهارك
زى الروشته من الدكتور
حبوب حتمسح أفكارك
.....

طول عمر مصر وفيها القول
ما بنعرضش عليه دا جميل
بس احنا عايزين اللحمة
زى الحقن اسعاف لطيف
.....

مليون سنه معاشرنى القول
فطار عشا وغدايا بقول
وفهمته له فضل علينا
ربانا لحم كتاف وعقول
.....

له طعم حلو وبحببه
وبنهضه بطوبه وكريه
أصل احنا شعب بمعده حديد
هاضمين مع الدهر مصايبه

ياحكموه حسي في يوم بينا
دا الفول محاصر أمانينا
ماسح دماغنا من الأفكار
ولا حد يوم حيصحنينا

البغفان اللى ف بيتنا
كنا اديناله محببتنا
كل اللى عايزه كان يلقاه
أكله وشربه وقرناه
وف ليله بعد ما وكلناه
الباب سهينا عليه نسيناه
من غير ما نقصد ليه مفتوح

.....

راح دوغرى طار ما لحقناش
نقول له ارجع لاه بلاش
تروح بعيد عن جنينتنا
عزيز علينا وف بيتنا
تعيش ف عز وحب وجاه
لكنه ضاع وبعيد راح تاه
وف كتله جروح

والجرح كان من يوم تاتى
لـمـه انبسط قام حيا تـى
فرد جناحه ورفرفهـم
راح القلص ريشه نـتـهـم
وعوره فى كتفه وبكـاه
ما فهمش ليه هوه يا ولداه
غير انه بصـرـج

.....

يومها كان حتـه دين بـوم
البغفان بيحب الـروم
حطيت له فى الحق شويـه
شرب وبص بـحـنـيه
فـكـر يمشي على هـواه
عايز الإزاة تكون ويـاه
بوفيه وع الآخر مفتـوح

.....

حطيت له تاتى ف حقه قليل
بالجنب بص وقال يا بـخـيل
هوه انت دافع فيه مـلـم

شكك وجابها العم حليم
جوز ابن خالة طنط نجاه
كان جاي زيارة وجابها معاه
حط انت بس وسيبها وروح

ليلتها كان سكران م الروم
واكمنه أعزب ما جالوش نوم
ليه شهر ع الحال ده ومغموم
لأنه كان عايش محروم
وحيد في قصصه ما حد معاه
أعصابه بايظه عشان انشاه
ما بين ايديه سلمت الروح

ف الدنيا هج البغية
في الحر كان طبعاً حران
في البرد بيأفأف بردان
جعان ومش لاقى تعبـان
ولا حد سامع له مناجاه
مش لاقى حد ونيس وياه
يديله أكله ترد الروح

البغفان سكران طينه
ف ميدان وقف فوق تراسينا
وقال كلام تخريف وسخيف
من ضمنه مين يدينى رغيف ؟
شتم وكل الناس سامعاه
ما شافش واحده قاعده وراه
متكبرة من نوع قـتـزوح

ولأنه مش عارف المكتوب
واقفين عيال حدفوه بالطوب
قام كش راح داخل الشقة
ما سمعش واحد قال لاه
قام شاف عجيبة بتستناه
إنسانه قاعده قصاد مرآه
بدموعها المكياج ممسوح

الست زالحه الجبهاته
ف السيماء كات إسمها ناتا
كات واخده دايم دور عاتس

وزمانها راح بقى ببعاكس
زمانها بتعانىد وياه
راح الجمال والعز معاه
فى مهب الريح

عاشت حياتها ف الأحلام
تحلم تكون بطلة أفلام
على حظها والدنيا ابخات
السيما ماتت بالآثر مات
والفن بقى فاقد معناه
مات فى الرقابة ما حد نعا
تفاهه قال وتعوز تصريح

ونانا كات فاهمه السيما
مايوه ورقص وكام تيمه
مافيش لا قصة ولا دياولوا
واهو أى مخرج حنقاولوا
أخرج لها فيلم من إياه
يخرج لها الفيلم وينساه
وفاهم ان الفن مريح

والسيما ف الأزيمة بعونها
كام ألف لمت بعونها
قالت أخش على الانتاج
جابولها قصة هاج وماج
وقالوا لها ده موضوع ملهاه
رقص وغنى على كام مأساه
لو بهلوان يشبع تنويح

وقالوا لها على مخرج نصاب
الفن فاكده فراخ وكباب
أفلامه ساقطه فى أول عرض
مخرج حقيقى يجيب الأرض
يخرج بوشه زى قفاه
له كرش عايش له بيرعاه
له جس فنى ركيك وجريح

ويقولوا ليه طفش الجمهور
من غير احم ولا كام دستور

ما يعرفوش إن المصـرى
بيعوز من الفن العـصرى
جمال وفن وله معـناه
مش م القديم اللى ملـناه
أفلام وفن جـرئ وصـريـح

البغـبان هوـه بطنـنا
شاف نانا قال بس وصلـنا
لانه شاف ع التسـريحـة
كات نانا حطه قـزاز ريـحه
فرح وقال ده كنز لقـناه
وفكر ان الحـظ وراه
عشان حيسـكر بقى ويصـيح

ونانا كات قـوى مجنـونة
فى طوبة وكمان فى بؤنـه
متشائمة م الشهرين بالذات
وعامله حرز لتحت البـاط
شافت أخينا راحت مسكـاه

الكودية كانت ليها ووصفاه
قايله لها لازم دمه يسيرج

نرجع لاختنا البغبريان
شاف نانا واقفه بدون فستان
قام اكسف طارح الشباك
صرخت عليه نانا شايفاك
والله لازم أكون ماسكاه
قام ارتبك شلت قدماه
واتسمرت زى المفضوح

جريت عليه نانا بأشواق
حطت له من وحدتها أطواق
حوالين رقبته وف رجلبيه
رجع أسير ولا فيش ف عنيه
دموع تدل عن المأساه
وقع أسير ولا حد بكاه
عمل انه مات وما فيش فيه روح

حكومة شعب

١٩٩٨

عاوزين حكومة لشعب تحكى الكلام موزون
تقوت لنا ف الصعب روحنا فداها تهون

ترصف لنا الشوارع وتعمّر البيوت
باللحمة والكوارع وتسبب بقى النبوت

توصلنا بالميراه فى القاهره الكبرى
دى الميه دى الحياه فى الجيزة أو شبرا

وتقول لنا التليفون ليه خدمة محظوظة ؟
بيخش لأبو بابيـون أو واحدة عنطوظة

وترخص الأسعار الطالعة فى الوالع
وتقول لكل حمار سارق جبان طامع

أنا واقفه بالنبوت بأحمى مصالح الشعب
لا يعدى ولا حيفوت حلاجى ببيع نصب

عايزين حكومة صحيح ما بتفتخرش وبس
وشاطرة فى التصاريح بالكذب من غير حس

عايزين حكومة تقول ليه فلوسنا منهوية ؟
لهمومنا تلقى حلول مبتكرة محبوبة

تعمل لنا الحاجات وتحل مشاكلنا
وتقول لنا ع الجات والأزمة ليه ف جيلنا ؟


عايزين بقى التخطيط يدخل فى إيماننا
مش كل زيت ومعيط يفتى فى أحوالنا

عايزين بقى الإخلاص بين ناسنا يتحكم
لأحسن بتوع لا مساس يتأمروا نعظم

ها نسيب بلدنا لجيل هيقول علينا كلام
هيقول دا جيلنا ذليل ولا خطوة خد قدام

حنكون لجيلنا الجاي حجة وشماعة
تركة ومالهائش زى ولا حل ياجماعة

وكل جيل ورا جيل يرمى على الماضى
ودواك منين يا عليل لو بالهموم راضى



صورة فى السحاب

تحية للصديق العزيز

الدكتور يسرى العزب

١٩٨٧

ياحكاية وروايه

ابتدت فى الشعر كام موال

سبت البلاد الفلاحين تحال

وإن حلت

راح يابو العيال تغرق

فى بحر تايك

يهترئ لو مال

أصل الكلام لو عذب

كان يتشرب أحلام

لسه صبيه من بعيد جايه

راكبه حصان تجرى ولا الرهوان

عينها زرق وشعرها سايح

عليك ومتوجهه

تتعلم العامى
طب قولى ياعمى
بس الكلام يحتار وإزاي أنا واصف
ياحكاية ومتكررة فى حنة تاريخ واقف
ومنين أجيب الكلام لما انتهى ع الصنف
ومسكت قلمك بنار تكتب شرار الحرف
وركبت خيلك والولاد عارفين
زمنك يا فارس دا زمن مجاتين
تجرى الفرس شايلك بس انت ليه عرقان ؟
تساعد اللى تعب وانت كمان تعبان ا
عايز ترقص فى الهوا نملة ؟
عايز تشقلب ع الفتل قملة ؟
وتجيب حبال للعنكبوت من فين ؟
من غير حبال كتفت عنكبوتين
ورسمت صورة فى السحاب شكلك
لما حتشتى حتزرع فى الزمن زيك

فاكرينك

إلى سعد الدين وهبه

١٩٩٨

الدمع اتحجر ف عيوني
من كثر القسوة
اتعلمت إني أكبت أحزاني
ووقفت أتأمل فلقيت
إن الحزن زمان
كان حزن نبيل
بيدهم دمع الإنسان
ويتمسح كل دموعه
شوية شوية الأحزان
لكن حزني الآن
بقى عامل زى الحجر الصوان
بقى قاسى وبارك على قلبى
زى الهم
عشان الفقد كبير

وخسارتى أنا فيك
مش ممكن تتعوض
طول ما أنا جوه عيونى
دموع م الشوك
أبكىك وأنا مش عارف
إحنا بنبكى عليك ولّا علينا
طول ما أنا شايف
إن الأحلام اللى ف قلبى
وكنّت شايلها معاك
لمسه حتستناك
والأمل إنها راجعه معاك
ياخسارة ليه الأمل الحلو يضيع ؟
ليه يلرح ف غيابك كل وضيع ؟
فأكرينك غبت وبعدك حنسلم ونبيع !
مش عارفين إنك زارع ف الأرض
جذورك ضد التطبيع
وإن " المحروسة "
اللى انت شايلها ف قلبك
فأكراك وحتفضل دايمًا وياتا
حاضر ف عقولنا وف دمانا

والتراية حتفضل مرفوعة
ف قلوبنا الصاحية المعجوعة
وحتفضل أفكارك شعله
بتجدد ف عقولنا النخوة
وبتحرق كل عدويناك
وأصحابك أهم هنا سامعينك
صوتك ف ودانهم حافظينك
حافظين لبلادهم أفكارك
عارفين أعدائهم أعدائك
ولا يمكن هنسلم ليهم

ما فيش فايدة

١٩٩٨

ما فيش فايدة

احنا في وادى

وهمه في وادى

مهما نهاتى ومهما نقول

احنا الشعب بناكل فول

همه بياكلوم فينا عجول

والتتويه شغال على طول

ايه .. امريكا ؟!

مرة مشاركة

ومره مباركة

ومرة فضايح عاملاها مونيكا

ويا مراهق في الخمسين

سايب زوجه جميلة وحلوة

وراح يتحرش بالحلوين

ومرة يقول لك واحد نتن
جاي يزورنا مع التنتين
واهو هارشين امخافنا كلام
علشان نمشي كده تاهيين
ما نفكرش
ولا نسألش
مين في الشعب
بيسرق مين ؟
ليه الخوف في قلوبنا إتحكم ؟
ليه وأنا مالى هيه الأسلم ؟
جنب الحيط على طول ماشيين
فوقوا يا أمة ليها حضارة
بطلوا تاكلوم فوم وبصارة
طالبوا بكل حقوقكم مرة
وإملوا القلب بخير وجسارة
حقك دخلك تسكن منه !
تقدر بيه تشتري سيارة !
حقك تاكل حقك تشرب
وبمجهودك تبنى عمارة

ممکن أعد حقوقك وانت
شعب عارفها بكل شطارة
بس خسارة وألف خسارة
احنا فى وادى
وهمه فى وادى
مهما نهاتى ومهما تنادى
مش هنغير شئ فى بلادى

يا صبايا

١٩٩٨

دوبيني في الغرام واشربي كاسه معايا
واحلميني ألف عام حب ياريتهم كفايه
وأما أجيك في المنام اصحي غني للصبايا

يا صبايا يا صبايا

يا جمالكوا يا صبايا

افرحوا للحب غنوا

واشربوا كاسه معايا

سمعيني م الكلام غنوة فيها يا هنايا
وايعتي ويايا الحمام فرح .. قلبي له مراية
وأما أجيك في المنام اصحي غني للصبايا

يا صبايا يا صبايا

يا جمالكوا يا صبايا

افرحوا للحب غنوا

واشربوا كاسه معايا



نبذة عن المؤلف وعن الأعمال المنشورة :

الاسم : محمود حجاج

الجنسية : مصري - عربي

المؤهل : بكالوريوس تجارة - جامعة حلوان - عام ٧٠

دراسات عليا : دبلوم نظم معلومات الحاسب الالى

أكاديمية السادات للعلوم الادارية - عام ١٩٨٩

دورات أخرى: مقدمة الكمبيوتر - COMPUTER INTRODUCTION

لغات الكمبيوتر (بيزك - كوبول) من الجامعة الأمريكية
بالقاهرة

عضوية جمعيات واتحادات :

- ١ - عضو اتحاد الكتاب المصريين بالقاهرة
- ٢ - عضو جمعية محبى الفنون الجميلة بالقاهرة
(عضو مجلس ادارة سابقاً)
- ٣ - عضو جمعية الحاسبات السعودية
- ٤ - عضو نقابة التجاريين بالقاهرة
- ٥ - عضو نادى الأهرام للكتاب
- ٦ - عضو جمعية الفيلم المصرية

المؤلفات المنشورة :

أولاً : الكتب العلمية :

١ - علم نفسك مقدمة أساسية فى مبادئ علوم الكمبيوتر (عربى - انجليزى) الناشر المؤلف عام ١٩٨٦ توزيع مكتبة عالم الكتب بالقاهرة ٣٣ ش. عبد الخالق ثروت

٢ - الكمبيوتر والادارة للمدير الناجح عام ١٩٩٠ (مع أمثلة تطبيقية فى تحليل النظم) الناشر المؤلف توزيع مكتبة عالم الكتب

٣ - مجلة كمبيوتر للأطفال العدد الأول ١٩٩٦ النشر ورئيس مجلس الادارة والتحرير للمؤلف

ثانياً : الكتب الأدبية :

١ - رواية الموتى يثأرون - عام ١٩٨٦ الناشر المؤلف توزيع مكتبة عالم الكتب

٢ - رواية رشوة ما تمت - عام ١٩٨٧ الناشر المؤلف توزيع مكتبة عالم الكتب

٣ - تعالى الى (شعر) - عام ١٩٨٧ الناشر المؤلف توزيع مكتبة عالم الكتب

٤ - رواية أطول نصف يوم فى التاريخ - عن حرب أكتوبر ١٩٧٣ والحرق الأوسط - مجموعة قصص قصيرة الناشر المؤلف عام ١٩٩٥ توزيع مكتبة عالم الكتب

ثالثا : تحت الطبع :

- ١ - مسرحية للأطفال بعنوان " طائر الصدق "
- ٢ - الجزء الثاني من رواية " الموتى يثأرون "
- ٣ - العدد الثاني والثالث من مجلة الأطفال " كمبيوتر "
- ٤ - مجموعة قصص قصيرة بعنوان " ... من ذهب "
- ٥ - ديوان شعر بعنوان الزمن الآخر
- ٦ - رواية بعنوان المحفوظ

الناشر المؤلف

يطلب من الناشر : ٢١ شارع المقياس بالروضة القاهره

ت : منزل ٣٦٤٧١٩٩ مكتب ٥٨٥١٤٢٤ - ٥٨٥٧٨٢٨

أو من مكتبة عالم الكتب : ٣٣ شارع عبد الخالق ثروت القاهره

رقم الايداع

٩٨/٥٨٥٧

I.S.B.N. 977-19-6058-X ترقيم دولى